

Сургъульчнрин эк-эцкнрин хург

Ноябряин 15-д Камышин селәнә клубд, Камышинск 8 джилә школин сургъульчнрин эк-эцкнрин хург болв. Эн хургт «Бичкдин сургъмджин туск», «Негдгч дөрвнән дигмүд болн хойрдгч дөрвнән төрмүд» болн нань чигн төрмүд халәгдв. Хургт школин директор үр Холодов, багшир Синченко Л. Н. болн Калачова үг келцхäv. Сургъульчнрт, школднь, халуи хот өгх шиидвр авгдв.

— Эн төр күцәхднь школд саадг 5 үкр өгнәвдн, хот-хоолар бас дөнъ болхвдн, — гидж колхозин ахлач үр Козырев келв.

«Тула» гидг хувц уйдг электричек машин, слесари станокс, физик-химическ кабинетст 22 минъгън арслнъ мөнъгнә сургъулин үзмдж нань чигн пособ школ авб. Кировин чертә колхозин дөнъгәр эн джил ик, саруя шин школин гер тосхгдв. Эн шин герт 3 класс сурна, хувц-хунр өлгдг өрә бәәнә.

Хург төгсснә хөөн балшир эк-эцкнриг дахулад, шин кесн школин гер үзүлв. Күүкд, көвүднь урокдан ягъдж суудгиг, сургъулян ягъдж сурчачинь, ягъдж бийән бәрдгинь болн нань чигн төрәр классин гардачнр эк-эцкнртнь келдж өгв. Камышинск 8 джилә школин сургъульчнр болн багшир колхозд оньдин дөнъ болна, хаврин дуусн така-шову асрджацхав, тарә-темс хуралгънд нөкд болдгинь темдгддж, эк-эцкнртнь эднд ханлтан бас келцхäv.

С. ДЖЕЕВ.